

國家圖書館藏

中華歷史人物別傳集

綫裝書局

秀東高公家傳

皇清誥授奉政大夫 晉贈通奉大夫原任同知
四川雲陽縣知縣秀東高公家傳

監利王柏心撰

公姓高氏諱以莊字秀東世貫江右廬陵明初始遷
於黔占籍貴筑代以績學隱德聞曾祖用章祖大受
皆贈朝議大夫考廷瑤贈通奉大夫官位事蹟具誌

家傳

傳公為通奉公季子妣冷太夫人公幼即英特沈敏
好學年十二遭通奉公喪已能擗踊如禮伯仲二兄
蚤世叔兄課之業大進攜以就婚桂林叔兄病咯血
侍湯藥市月不解帶摯愛所結若是補弟子員食餼
道光己亥後應鄉舉者八屢薦及擬魁皆不售遂輟
應舉學益務深邃授徒為後進所宗軍興黔始停科

時粵賊蔓延楚境矣。鄉邦戒嚴。公默觀世變。急講求文武經濟之具。咸豐四年。楊澄僖倡亂。遵義土賊充斥。所在竊發。公及叔兄奉詔治團募餉。有勞獎敘得訓導。七年。選授黔西學博。奉檄赴省。助籌防守。論功擢知縣。分發四川。加同知銜。賞戴藍翎。已而入蜀。需次大府。知其才。國防讞鞠。悉以相屬。補雲陽未之

父傳

二

官滇。賊藍朝鼎嘯於縣州。檄率黔軍偕州牧顏君會勦。圍解。乃赴雲陽。先後著城守之效者再始。下車粵賊石達開引眾十餘萬。襲陷楚之利川。距邑財百里。公諭民無恐。固圉。乃吾責也。急增堞。修隘。布蘭石具。渠答火器。戈矛罔不備。保甲團練。以次聯絡。募黔人驍銳者。別為一軍。與民軍分扼策應。如猿臂戰守。皆

可恃。富人爭出財粟。賊知有備。改趨石砭。邑境晏然。同治元年。藍朝柱何興順流竄。將入秦。經雲陽。民軍不敵。三擾雲安。廠勢且薄。城公率壯士登陴。誓與之存亡。戒家人無他徙。士民益同心固守。賊憚之。他走城迄安堵。先是。團民誤殺楚勇之回籍者。大府下令嚴捕。公久未報。以是見忤。竟解任。檄米黔鉛所沈失

父傳

三

多自行補償。大府廉知。用他勞績薦。賞換花翎。仍返雲陽。民聞之。迎拜道左。歡聲騰沸。比之郭細侯。至則鋤強梗。拊柔良。牒訴定期。宿弊除。蠹猾人命株連悉加厲禁。又立三費局。民始不困。歲饑。開倉賑之。分設粥廠。活人無算。兵後疫作。置醫藥局。疾疹以消。公曰。境內稍稍休息矣。吾當繼之以教化。則踵葺雲

安書院增膏火創養正育德兩義塾月集生童親校其課手加改竄講說不倦題院額曰飛鳳是歲秋闈果雋五人符五鳳齊飛之語明年劉君海龍登館選公甄造之效其捷如神邑傳為盛事調合江比去攀轅泣送者不下數萬設祖帳擁道不得行爆聲喧百里外賦詩撰記鑲石爭獻者相屬至合江治如雲陽

家傳

四

公子培穀宰梓潼迎公就養不數月得疾不起年五十有一公政績在雲陽最著其造士尤諸政之冠昔鮑永拜魯郡亂後闕里荆棘自除乃會眾修鄉射禮任延守武威值種羌寇鈔猶立校官受業通章句者顯拔榮進之彼皆承兵燹後有崇好儒雅敦明庠序之政書諸史冊至今嘉歎然考其時干戈略定大致

安靜矣若公在雲陽介秦粵黔楚之交反者如蝟毛而起震鄰禦侮日不暇給顧能以其餘力孜孜敬教勸學陶淑英髦里冠蓋而門鄒魯乃得之援枹修戟之秋此不獨才略過人又以循良兼儒吏之效超然駕繭絲保障而上之宜乎蜀人尸祝不絕也公至性深篤痛二親不逮養語必繼以泣祀則薦其忱出山

家傳

五

卽與叔兄別連牀之夢無一日忘歲割俸大半遺之他分贍宗黨親懿友朋視力所及無不徧博極羣書最嗜吟咏著有怡怡樓詩集配李氏 誥封宜人晉贈太夫人賢行最著側室莫氏 誥封太宜人鍾氏盧氏廖氏鄧氏子四培穀四川候補直隸州梓潼縣知縣培蘭同知銜分發省分候補知縣培蕃國學

生早卒培裕候補郎中補行己未辛酉壬戌三科舉
人女五孫男女詳行略

贊曰高氏自通奉公以治行冠嘉道間公也繼之彬
彬乎質有其文武焉傾側擾攘中外清戎莽內興絃
誦英俊聯翩歸功作育學道君子視吏能報稱不可
同日語惜乎未登耆耄遽令誰嗣興歎也然蜀人自
家專

茲千百世且俎豆公於文翁高眈之次矣

六

皇清誥贈通奉大夫原任四川雲陽知縣高公秀東
皇清誥贈太夫人高母李太夫人合葬墓表

遵義唐炯撰

同治九年秋八月余自軍乞假省墓成山會高君培
穀奉其先府君母李太夫人柩將以十月甲午合葬
貴陽城東龍山之陽余往莅卜為定葬其弟培蕃於
墓表

七

府君兆左若干步培蕃余妹壻也培穀以狀請為表
墓之文余不文然不得辭謹按府君諱以莊字秀東
貴筑洪邊里北衙人曾祖俊祖大受皆 贈朝議大
夫考廷瑤廣東廣州府知府為時循吏故相駱文忠
公常稱之著宦游錄言皆質直可法式 贈通奉大
夫妣冷氏 贈太夫人府君生十二年而孤奉母孝

學敏且勤二十八邑庠食廩凡八應鄉舉不第甲寅黔亂以團練功得訓導又逾年擢知縣分發四川加同知銜 賞戴藍翎辛酉冬實補雲陽壬戌春藍朝柱來寇將薄城府君登陴守誓士民共存亡屢感奮殊死戰賊他遁邑民誤殺楚勇當塗欲盡置於法府君不忍賊良久不理緣是解任買黔鉛船入江漂

表

八

流鉅萬稱貸以足當塗以勞最聞 賞易花翎乙丑夏復任懲奸民除悍役折獄無留訟賑饑餓活疫癘改治書院立義塾月課士經義逾年領薦五人戊辰冬量移合江邑人祖餞數萬多泣下者治合江如治雲以忤當塗意解任去其年培穀得官梓潼因就養焉以己巳七月初十日卒春秋五十有一 誥授奉

政大夫 晉贈通奉大夫李太夫人家世臨川饒於財然性勤儉自以不及事翁姑奉兄嫂命維謹訓子慈而有節撫庶孽如己出御下有恩意始府君莅雲陽寇至倉卒守未具入詢太夫人城不幸陷當奈何太夫人從容言君全忠我殉義夫何疑府君嘗病且殆太夫人割臂和藥病良已先府君六年卒春秋四

身表

九

十有七 誥封宜人 晉贈太夫人子四培穀四川梓潼縣知縣培蘭分發省分補用知縣培蕃國學生先卒培裕補行己未辛酉壬戌三科舉人候補郎中女六側室莫鍾廖盧培穀之狀如此與余所聞知不誣乃質書使伐石揭之墓道而識之曰先威恪少隨官粵東得侍通奉公老退家居與公兄弟交最密以

余妹歸公子培蕃公又與余同官蜀垂十年今公歿而余亦病且老矣以公和易真長者所蓄足以活人而僅得一縣令而又所如不合不克享大年以死而行事可表者又止於此可哀也

詒贈通奉大夫原任雲陽縣知縣秀東府君行略

曾祖考諱俊字用章 皇妣贈朝議大夫廣東廣州

府知府 妣氏方 皇妣贈太恭人 祖考諱大受

字容齋 皇詒贈朝議大夫廣東廣州府知府 晉

贈通奉大夫布政使銜分發候補道 妣氏宋 皇

詒贈太恭人 晉贈太夫人 考諱廷瑤字青書

行略

十一

皇詒授朝議大夫廣東廣州府知府 晉贈通奉大

夫布政使銜分發候補道 妣氏陳劉冷 皇詒封

恭人 晉贈太夫人

先君諱以莊字秀東先世隸江西廬陵明初 遠祖

諱山遷黔占籍貴筑八世至 用章公均業儒代有

隱德及我 祖通奉公有子四人長 漢臣公以憲

庠生次 以恩公皆先 通奉公卒次 心泉公以
廉布政使銜分發候補道李卽 先君與 心泉公
皆 冷太夫人出 先君生時 通奉公年已六十
愛憐特甚 先君天姿英敏好讀書見者咸目以大
器庚寅 通奉公辭世 先君年甫十二擗踊盡禮
如成人 心泉公任家政課 先君讀相與事 冷
行略

十二

太夫人先意承志人無間言壬辰 冷太夫人棄養
遺命以 兩伯母寡居宜善承奉遂以所事 太夫
人者事之乙未 心泉公攜 先君至桂林完婚
心泉公患失血且殆 先君親侍湯藥衣不解帶者
月餘已而旋黔戊戌入邑庠肄業貴山書院為賀中
丞長齡所賞名大譟旋食廩餼己亥以後凡八應鄉

行略

十三

試無不房薦己酉已擬魁選竟因策累報罷壬子畢
闈 先君知文章憎命遂淡於進取督訓 不孝等外
裁成後進門牆寢盛而黔中軍書旁午自此遂停科
矣時楚粵多故桑梓戒嚴 先君亟潛心經濟慨然
有攬轡澄清之志甲寅楊隆僖倡亂遵義盜賊並起
先君與 心泉公奉 命辦理捐輸團練得獎以
訓導用丙辰選黔西學博到署帑月仍調省辦防以
功擢知縣分發四川加同知銜 賞戴藍翎自是逆
氛日熾家事且日繁既以籌助團費軍餉毀家紓難
而婚嫁頻仍用益不支 先君間商於 心泉公曰
黔事不可知吾兄弟能保全鄉里誠善第大廈非獨
木能支設一旦胥溺無以奉先人祀非孝也盍圖筮

仕與兄分任庶緩急有備兄益得盡心報國力捍衛矣心泉公善之先君遂入都引見庚申到

蜀大府耳先君名深倚重歷委城防團練發審等務幹聲益著冬題補雲陽以病未之任辛酉秋滇賊藍潮鼎潮柱糾黨圍縣州急大府委督黔軍與刺史顏君佐才會同州刺史唐君炯勦辦轉戰皆捷城圍行略

十四

解冬奉檄履任甫下車謀報髮賊石達開引眾號數十萬長驅犯蜀距縣治僅百餘里邑大震先君諭民無恐增城堞修關隘備器械聯團固守旬日之間戰守悉具又募黔中健兒與民團分據要害以整以暇民乃定富室爭助餉輸糧賊偵知有備間道去壬戌藍潮柱何興順等欲竄秦經道川東團民與戰不

利前後三擾雲安廠幾薄城先君登陴誓守不許眷屬一人出署士民感奮守禦益力賊旋遁去然

先君疊膺戎事憂勞過甚精血由是益衰矣先是雲陽團民以嚴禦故誤殺楚勇之回籍者楚軍譁然上陳欲得團民而甘心焉大府嚴飭捕緝先君不忍以過失罹民罪也遲不報壬戌坐是解任委採黔鉛行略

十五

值黔賊充斥屢瀕於危又經險灘沈鉛累萬私稱貸以償上官知之附他勞績薦聞賞換花翎乙丑夏還任雲之民喜先君重來老幼爭迎道左於是力除莠類禁胥吏舞弊定詞訟期案無留牘先君以蠹民最甚者莫如人命株連乃創立三費局民大稱便歲饑開倉賑濟凡四設粥廠多所存活大兵後

疫癘流行廣設醫藥局救民無算境既安則思繼養以教於是重修雲安書院添膏火建養正育德兩義塾月課生童文藝詩賦親為改講取五鳳齊飛意顏其院曰飛鳳是秋果獲雋五人明年劉君海鼇復登館選搢紳咸歸功先君固謙遜未遑也先君半生精力一耗於在籍辦團再耗於在任辦防繼耗於行略

十六

盡心民事自顧年就衰將有退歸與心泉公終老之志因先為培穀納粟得知縣意使培穀博升斗養遂解組也戊辰培穀補梓潼先君顧念川黔兩地食指重累梓潼瘠苦無以供故未遽引退是秋調合江十月卸雲陽篆邑之民攀轅泣送者以數萬計置酒祖餞遮擁不前爆聲達十里外或作韻語書記鐫

諸金石十一月涖合江興利除弊一如雲陽不以老境稍倦己巳四月培穀之梓潼任先君適因寬於催科竟調省喟然歎曰官可不作貪吏所不忍為也拂衣徑去然在合江僅四閱月公私賠累已數千金培穀亟奉書迎五月初抵署謂培穀曰適訪輿論頗善汝汝能繼吾志復何憾既見邑中清苦切念合江行略

十七

虧款未補冀得他縣一二年間節俸完償即決計南旋不意頻年困憊血氣過損七月初忽患腹痛汗出不輟真陽下陷延至初十日戌時竟棄不孝等而長逝矣屬續時猶正坐榻上從容屬家事神色和怡不異平時距生於嘉慶己卯年正月二十一日辰時享年五十有一以庚午歸柩貴陽十月初二日偕李

太夫人合葬龍山之陽配李氏 皇誥封宜人 晉

贈太夫人側室莫氏 皇誥贈太宜人鍾氏廬氏廖

氏鄧氏嫡出子三 培穀 邑庠生四川知府用候補直

隸州梓潼縣知縣 賞戴花翎娶李氏 培蘭 同知銜

分發省分補用知縣 賞戴花翎娶翟氏 培蕃 國學

生 貽贈奉政大夫候補郎中娶唐氏早卒莫出子

行略

十八

培裕 候補郎中補行己未辛酉壬戌三科舉人娶王

氏嫡出女一適同知銜四川候補知縣開州丁蟲昌

莫出女四一適同知銜四川候補知縣平越王寶章

均早卒一適四川候補知州山陰商廷僖一字補行

己未辛酉壬戌三科舉人貴筑翟淑曾一字四川開

縣沈啟瀛鍾出女一適乙亥科舉人畢節楊汝佺孫

三 銘形銘金銘紳 孫女一 夢珍 先君天性誠篤為

人坦易每道及 大父母棄養早無不泣下歲時祭

享躬親上食必敬潔官蜀後與 心泉公不相見者

十年思慕之深常形寤寐饋獻音問恆絡繹在道屢

以黔亂田壤荒蕪慮 心泉公家計維艱歲必割俸

厚遺彌留之頃尚以 心泉公為念命 培穀等 當事

行略

十九

之若父其他敬宗收族助友恤鄰凡分所當為靡不

慨然無憾通籍後迭遇 覃恩均以本身所得封典

請 貽贈 庶祖母熊蒲崔為宜人又請 貽贈

伯父以憲以愚為奉政大夫 兩伯母朱張為宜人

平居博覽羣書雖在官簿書鞅掌暇時輒手一編尤

好作詩第隨時散佚不自存彙 培穀等 收輯一二為

怡怡樓詩集錄藏於家嗚呼 先君精力素強令非

竭蹶於家黽勉在官未必不登耄耄卒以公私交瘁

中年以往營衛遽衰一病銷磨遂至不起嗚呼痛哉

培穀等 苦塊餘生締思 先君行誼卓有可傳不敢

不及時敬述梗概質諸當代能文碩彥錫以碑銘誌

傳俾光昭泉壤藉不泯於將來即存歿沾句靡涯矣

二十

孤哀子高培

穀南

泣血稽顙謹述

二品頂帶四川候補道世姻愚姪唐炯頓首拜填諱

皇清誥封宜人 晉贈太夫人高母李太夫人家傳

貴陽劉藻撰

故雲陽明府高秀東公取室於臨桂故刑部郎李松
甫公之季女以 覃恩累封曰李太夫人性冲澹務
組紵雖生赤望罔或驕以情既從高於黔益自誌謹
榛栗惟虔酒食惟敬類習貧家井臼者顧自以不逮
家傳

壹

事舅姑欲然戚其懷則愈致敬厥兄嫂肅肅穆穆終
乃厥身其他族屬或姻婭有宴之來者匪惟卹之又
重翼長之初李故素封為 太夫人儲脂田費金且
累萬 太夫人盡散之以給窮櫛用是播休譽於里
閭競惟取則焉其畜藏獲也曰仁雖午之弗忍督過
也然特嚴於教子出入言動或有偪矩度輒折覆聞

績學之有進也乃齋故厥子若眾庶子無弗成者

雲陽公將筮仕於蜀先入都 太夫人率子姓踵其

後時黔盜毛起而蜀疆毗連所亦為滇匪蹂風鶴之

警迢遞千餘里 太夫人喻度其勢臨幾審變卒出

險以達夷馘而精力告瘁伊是焉始既蒞雲陽官所

有寇警勢且薄城 雲陽公蒼猝籌守備顧不無內

家傳

貳

顧塵 太夫人曰君但慎填撫設不幸君死國我死

君耳 公遂出完繕以待終葆厥躬迄賊退而 太

夫人則臥病矣癸亥六月二十八日卒年四十有七

子三人初以道梗奉 太夫人櫬權厝於蜀原及黔

平歸葬焉

論曰今西充令怡樓君蓋 太夫人冢子也與余交

善其為人和而約其居官也多惠政其於宗族交遊

有急難則皇皇如也又其弟香舲君亦然余故疑高

氏多好施與靡涉世祿怙侈習者及聞 太夫人行

事而知其有所自也詩曰教誨爾子式穀似之其是

之謂夫

家傳

叁

皇清誥封宜人 晉贈太夫人顯妣李太夫人事略
先妣李太夫人江西臨川望族原任刑部江蘇司郎
中候選道諱秉禮府君第三女也先代以醒商致鉅
富嘗服賈於粵之臨桂遂寓居焉家世敦禮崇學舅
氏宗瀚公及表兄聯琇先後入詞林躋卿貳門第甲
一郡 外祖母氏喻溫良慈惠 太夫人久漸內訓

言略

三

雖生長富貴勤慎節約淡如也 外祖父母早世預
儲 太夫人匱資且萬金諸舅以事耗減過半 太
夫人意固不愀年十九為道光乙未 先君就婚於
臨桂未幾偕歸見者咸慮 太夫人席處豐厚作家
非所任或且驕嬖乃仔肩內職修謹過人與 先君
相敬如賓時 先大父母皆捐館舍 太夫人奉兄

嫂若承翁姑旦夕苦役身先率下事井井以治居恆
以女不及事父母婦不及事舅姑為憾言輒啜泣每
歲時祭薦親烹飪浣滌器具治肴饌必豐潔 先君
好賓客燕會之需咄嗟即辦汗嘗泚泚焉不息家人
恆勸止之不輟也性豁達屢出所蓄金補苴家用並
好施濟親鄰貧者踵門求貸視力矐之罔弗應坐是

事略

三

匱資累千金閱時垂罄然終無卻悔意賢聲噴噴播
眾口內和娣姒外睦宗黨聯姻姪下逮臧獲壹以禮
處之比生 不孝培穀等鞠育顧復惟恐不孚稍長教
之誦讀則又督責綦嚴不使有或怠速 培穀等屬
文聞 先君許有進益則喜否輒恚忿至輟食咸豐
乙卯年 培穀補弟子員 太夫人顏始稍霽曰科名

吾家故物無足奇第及吾所生能縣書香不墜舊德
名氏庶幾吾百年後有以見汝 祖於九原耳時族
中羣從及諸中表兄弟來從 先君受業者 太夫
人以時檢察其衣食居處微曲悉到諸人亦依之如
母頻年忘歸者有之己未 先君將以知縣入都引
見時黔盜蜂起省垣急且殆遂挈家出寄居蜀合

三

二四

江 先君隻身北上而滇賊李泳和陷蜀之筠高等
縣勢日熾沿江諸城風鶴交警 太夫人出坎入坎
不得已驟攜 培穀等轉徙貴州仁懷廳跋涉崎嶇間
關疲劇會有傳 先君中途臥病狀危甚者 太夫
人積憂成疾日夜嘔血不止既而偵其不實始攝理
就瘥而體氣遂莫克如初矣庚申 先君補官雲陽

移家成都 培穀等冀 太夫人自此可優游頤養卻
病延年乃辛酉春間 先君尚留滯省會忽嬰酷病
醫未卽效 太夫人焦勞迫急陰禱於神封肱一嚮
和藥進 先君用是獲起而 太夫人形神交憊適
以培穀長嗣川壽於四月下殤 太夫人失所愛孫
不勝悲痛既而五姊殀殂又繼而五弟茂齡亦不育

五

二五

太夫人心脾益碎眠食幾廢蓋年未盈五十而顏
然如八九十者矣是冬偕 先君之官雲陽壬戌春
藍朝柱糾黨竄雲安廠薄城僅二三十里 先君晝
夜巡警籌防守無甯晷偶入後堂問家事 太夫人
慷慨請曰君心力幾何既外計軍政乃復內顧苟困
躓不支事將誰主今惟當拊勉軍士備戰守萬一不

幸城亡與亡我必率羣幼相殉得死所矣吾雖婦人頗知嚮義君但自勵勿牽家累為也 先君默感而出賊聞守禦堅知不可犯遁去卽今追思 太夫人大節凜凜聲口猶生可危亦可傷已 太夫人屢罹艱厄元氣日削 培穀等 承奉無狀雖侍饌嘗藥未嘗廢離迄無補於營衛是年九月伯姊又沒於合江

事略

二六

太夫人愈深傷悼至癸亥五月患氣逆鬱結不舒 培穀等 意舊傷所致療治月餘已漸痊瘥不意真陽衰竭突於六月二十八日上嗽喘急移時不語藥之不濟延至明日時加丑竟棄 培穀等 而長逝矣距生於嘉慶丁丑年五月十四日亥時享年四十有七以同治庚午年歸柩貴陽十月初二日與 先君合葬於

事略

二七

龍山之陽生子三長 培穀 四川候補直隸州梓潼縣知縣娶從舅候選司務宗湛公女次 培蘭 同知銜分發省分候補知縣娶貴州松桃廳訓導翟公鈐觀女次 培蕃 國學生 貽贈奉政大夫候補郎中娶湖北按察使司按察使唐公樹義女庶子一 培裕 候補郎中補行己未辛酉壬戌三科舉人娶大理寺評事王公金綬女 太夫人生女一適同知銜四川候補知縣丁融昌先 太夫人卒庶生女五長適同知銜四川候補知縣王寶章次適四川候補知州商廷禧次字補行己未辛酉壬戌三科舉人翟淑曾次字沈啟瀛次字楊汝佳孫男三 銘彤銘金銘紳孫女一 慶珍嗚呼痛哉 太夫人早歲勤劬中年多故重以 培穀

等歎於色養寡樂長愁此 太夫人嬰病之由而培
穀等所為搶地呼天百身莫贖者也顧念 太夫人
淑行懿德雖非培穀所能覩縷萬一而芳徽令範不
及早傳則不孝之罪滋大用敢吮血具陳冀勝流椽
筆表以銘誅俾世之傳列女者有可考焉斯 培穀等
子孫永感不朽

事略

孤哀子高培
培穀泣血稽顙謹述

六

書高母李太夫人事略後

遵義蕭光遠撰

李太夫人者高君秀東司馬之室怡樓刺史培穀之
母也怡樓弟培蕃菊生從予學一日怡樓奉太夫人
事略視予云苦塊中泣述今不忍讀願若甚戚者予
閱之數過太夫人事夫敬治家勤奉先孝教子嚴撫
寸復

二九

下慈洵足為搢紳家楷範矣尤有人所難者李氏先
世以饕賈致鉅富父秉禮刑部正郎兄宗瀚工部侍
郎姪聯琇大理寺卿先後入詞林躋卿貳太夫人生
有淑德司馬父青書公官粵時諗其賢定婚焉李固
豪於財太夫人歸時匱資數千金太夫人頻出以補
苴家之親戚貧者有求輒賙之雖聲其匱弗顧也嗟